



**H**einricus filius fuit Friderici ducis Bauariæ qui Landshutæ habitauit. Is egregie indolis princeps & gloriæ cupidus, ad sinum Codanum Venedumq; mare processit, atq; cum Teutonici ordinis equitibus per annos octo contra Lithuanos & Polonos fortiter dimicauit. Interea dum ab fuit Heinricus, Gubernator ducatus oppignorata redemit, atque æs alienum, à maioribus contractū magna prudentia soluit. Heinricus autem anno 9 domum reuersus Margaritham Austriacam Alberti Cæsaris sororem uxorem duxit, atque rei familiaris studiosus esse cœpit. hinc factum ut ingentes diuitias compararit, & diuitis cognomen ad poster-

ros transmiserit. Heinricus ille ciuilitate summa atq; popularitate alios principes sui temporis longè superauit. Primum enim principalium eius operū fuit supplices audire, populariū quorumlibet causas accurate cognoscere, celeriter responsa dare, & iudicare. Quemlibet cui quippiam rei in aula esse suspi-